

Na osnovu članova 57., 62., 77. i 78. Zakona o srednjem obrazovanju ("Službene novine Kantona Sarajevo", broj: 23/10 i 1/16) Ministarstvo za obrazovanje, nauku i mlade Kantona Sarajevo objavljuje

## **NAKNADNI KONKURS**

### **za upis učenika u prvi razred srednjih škola sa područja Kantona Sarajevo u školskoj 2017./2018. godini.**

Konkurs za upis u PRVI razred srednjih škola u školskoj 2017./2018. godini traje od 11. jula do 13. jula 2017. godine. Kandidati koji konkurišu u umjetničke škole, odnosno u gimnaziju – sportsko izbornu područje, polažu prijemni ispit, odnosno test fizičke sposobnosti, koji su dužni okončati najkasnije jedan dan prije završetka on-line upisa.

Kandidati koji konkurišu u ostale srednje škole **ne polažu** prijemni ispit.

Mjesto i satnica polaganja prijemnog ispita za kandidate koji konkurišu u umjetničke škole, kao i mjesto i satnica polaganja testa fizičke sposobnosti za kandidate koji konkurišu u gimnaziju-sportsko izbornu područje, objavljuju se na oglasnoj tabli i WEB-stranici tih škola.

Izbor kandidata vršit će se na osnovu Odluke sa kriterijima za prijem učenika u prvi razred srednjih škola Kantona Sarajevo, koji je sastavni dio ovog konkursa.

### **ODLUKU SA KRITERIJIMA ZA PRIJEM UČENIKA U PRVI RAZRED SREDNJIH ŠKOLA KANTONA SARAJEVO**

#### **I OPĆE ODREDBE**

##### **Član 1.**

##### **(Pravo upisa u prvi razred srednjih škola)**

- (1) Pravo upisa u prvi razred srednjih škola imaju učenici sa završenom osnovnom školom, koji nisu stariji od 18 godina, odnosno koji do kraja tekuće kalendarske godine ne navršavaju više od 18 godina života.
- (2) U prvi razred specijalne srednje škole, odnosno specijalna odjeljenja srednje škole, pravo upisa imaju učenici koji nisu stariji od 20 godina, odnosno učenici koji do kraja tekuće kalendarske godine ne navršavaju više od 20 godina života.

##### **Član 2.**

##### **(Upis, prijem i obrada dokumentacije)**

- (1) Srednje škole vrše upis učenika u prvi razred u skladu sa Planom upisa učenika u srednje škole Kantona Sarajevo, koji na prijedlog Ministarstva za obrazovanje, nauku i mlade (u daljem tekstu: Ministarstvo), donosi Vlada Kantona Sarajevo (u daljem tekstu: Vlada).
- (2) Od školske 2018/2019. godine, Vlada na prijedlog Ministarstva usvaja Dokument okvirnog plana upisa učenika u naredne tri školske godine.
- (3) Ministarstvo je dužno, prilikom izrade Plana upisa učenika iz stava (1) ovog člana, konsultovati JU „Služba za zapošljavanje Kantona Sarajevo“, te vršiti redovne analize o kretanjima na tržištu rada u saradnji sa Ministarstvom za rad, socijalnu politiku, raseljena lica i izbjeglice Kantona Sarajevo i Ministarstvom privrede Kantona Sarajevo.
- (4) Izmjene i dopune odnosno proširenje Plana upisa iz stava (1) i (2) može odobriti samo Vlada.
- (5) Prijava i upis kandidata u prvi razred srednjih škola provodi se putem Informatičkog sistema za online prijave i upis u srednje škole.

- (6) U konkursnom roku kandidat može izabrati najviše 3 (tri) programa obrazovanja/zanimanja/smjera, uz mogućnost jedne promjene izbora programa obrazovanja/zanimanja/smjera.
- (7) Rang-lista svih kandidata i učenika primljenih u prvi razred objavljuje se putem Informacionog sistema za online prijave i upis u srednje škole kao i na oglasnoj tabli i WEB-stranici srednje škole.

**Član 3.**  
**(Uslovi za upis)**

Upis učenika u prvi razred srednjih škola vrši se pod istim uslovima za sve učenike državljanke Bosne i Hercegovine, povratnike iz inostranstva, kao i za strane državljane i lica bez državljanstva u skladu sa Zakonom o srednjem obrazovanju.

**Član 4.**  
**(Konkurs)**

- (1) Izbor kandidata za upis u srednju školu vrši se na osnovu ove odluke, koja je sastavni dio Konkursa za upis učenika u prvi razred srednjih škola.
- (2) Konkurs iz stava (1) i (4) raspisuje Ministarstvo.
- (3) Prvi konkurs za upis učenika u prvi razred srednjih škola u Kantonu Sarajevo javno se objavljuje, kao i na zvaničnoj web stranici Ministarstva, najkasnije dva mjeseca prije početka naredne školske godine i otvoren je najmanje sedam radnih dana.
- (4) Ministarstvo raspisuje drugi konkurs za škole koje ne popune planirana mjesta u prvom konkursnom roku, u skladu sa Planom upisa iz člana 2. ove odluke, najkasnije 15 dana prije početka školske godine i otvoren je najmanje tri radna dana.

**Član 5.**  
**(Dodatni uslovi za upis u umjetničku školu/gimnaziju –sportsko izbornu područje)**

- (1) Kandidati koji konkurišu u umjetničke škole, odnosno u gimnaziju – sportsko izbornu područje, polažu prijemni ispit, odnosno test fizičke sposobnosti, koji su dužni okončati najkasnije dva dana prije završetka on-line upisa.
- (2) Mjesto i satnica polaganja prijemnog ispita za kandidate koji konkurišu u umjetničke škole, kao i mjesto i satnica polaganja testa fizičke sposobnosti za kandidate koji konkurišu u gimnaziju-sportsko izbornu područje, objavljuju se na oglasnoj tabli i WEB-stranici tih škola.
- (3) Rezultate prijemnog ispita, odnosno testa fizičke sposobnosti unose srednje škole u kojima se polažu ispiti putem Informacionog sistema on-line prijave i upisa u srednje škole.
- (4) Svaki učenik koji izvrši prijavu putem Informacionog sistema za online prijave i upis u srednje škole polaže prijemni ispit. Prijemni ispit iz stava (1) ovog člana je eliminatoran.
- (5) U slučaju da kandidat bude ocijenjen sa negativnom ocjenom iz bilo kojeg dijela prijemnog ispita odnosno dijela testa fizičkih sposobnosti, nije položio prijemni ispit.
- (6) Program i kriteriji za polaganje prijemnog ispita odnosno testa fizičkih sposobnosti će biti objavljeni na oglasnoj tabli i Web-stranici škole.
- (7) Program polaganja prijemnog ispita u umjetničkoj školi, test fizičke sposobnosti za kandidate koji konkurišu u gimnaziju-sportsko izbornu područje, način ocjenjivanja u smislu eliminatornosti i kriterije vrednovanja rezultata, utvrđuje nastavničko vijeće škole i isti dostavlja Ministarstvu najkasnije sedam dana prije testiranja.
- (8) Prijemni ispit odnosno test fizičkih sposobnosti se polaže pred stručnom komisijom koju imenuje nastavničko vijeće škole za sve vrste zanimanja pojedinačno.
- (9) Minimalni sadržaji polaganja prijemnog ispita za Srednju školu primijenjenih umjetnosti su:

- a) crtanje,
- b) slikanje,
- c) modelovanje.

(10) Minimalni sadržaji polaganja prijemnog ispita za Srednju muzičku školu su:

- a) muzičar solista –praktična provjera temeljnog predmeta struke, Solfeggia i Muzičke teorije. Na prijemnom ispitu moguće je ostvariti maksimalno 50 bodova, a minimalno 13 bodova.
- b) muzičar općeg smjera -provjera temeljnog predmeta struke “solfeggia”: muzički ritam, memorija, sluh, muzička teorija. Na prijemnom ispitu moguće je ostvariti maksimalno 40 bodova, a minimalno 10 bodova.
- c) baletni odsjek –praktična provjera osnovnih baletnih tehnika. Na prijemnom ispitu moguće je ostvariti maksimalno 40 bodova, a minimalno 10 bodova.

Dodatni uslovi su adekvatna ljekarska uvjerenja za upisne programe solo pjevanja (otorinolaringolog) i baleta (ortoped).

(11) Minimalni sadržaji test fizičkih sposobnosti u gimnaziju-sportsko izbornu područje su:

- a) skok udalj,
- b) sklek,
- c) košarka,
- d) odbojka,
- e) gimnastika i
- f) plivanje (sportska dvorana i bazen).

## **Član 6.** **(Sadržaj prijave za upis)**

Za prijavu za upis u prvi razred srednje škole kandidat je dužan predati u školi sljedeća dokumenta, najkasnije sedam dana od dana objave rezultata on-line upisa:

- a) prijavu za upis;
- b) izvod iz matične knjige rođenih – ovjerena kopija
- c) svjedodžbu o završenoj osnovnoj školi – originalna dokumenta;
- d) uvjerenje o uspjehu učenika u VI, VII i VIII razredu osnovne škole – originalna dokumenta;
- e) uvjerenje o rezultatima postignutim na eksternoj maturi – originalna dokumenta;
- f) druga dokumenta relevantna za utvrđivanje broja bodova po kriterijima iz članova 10. i 12. ove odluke.

## **II KRITERIJI**

### **Član 7.** **(Kriteriji za upis)**

Upis učenika u srednje škole vrši se na osnovu sljedećih kriterija:

- a) općeg uspjeha kandidata postignutog u VI, VII, VIII i IX razredu osnovne škole;
- b) uspjeha iz predmeta značajnih za odgovarajuću školu, iz člana 8. ove odluke;
- c) rezultata postignutog na ispitima eksterne mature;
- d) rezultata postignutih na kantonalnim, te takmičenjima na nivou entiteta u BiH, BiH, kao i na međunarodnim takmičenjima.

**Član 8.**  
**(Predmeti posebno značajni za određenu vrstu srednje škole/struku)**

Predmeti posebno značajni za određenu vrstu srednje škole/struku utvrđuju se kako slijedi:

VRSTA SREDNJE ŠKOLE/ STRUKA/ZANIMANJE	Predmeti posebno značajni za određenu školu/struku/zanimanje
gimnazija, ekonomska škola trgovačka škola	Bosanski, hrvatski, srpski jezik i književnost Matematika, strani jezik
medicinska, zubotehnička, veterinarska, prehrambena, poljoprivredna, šumarska, kozmetičar, frizer	Bosanski, hrvatski, srpski jezik i književnost, Hemija, Biologija
ugostiteljsko-turistička	Bosanski, hrvatski, srpski jezik i književnost, Geografija, strani jezik
tekstilna, kožarska	Bosanski, hrvatski, srpski jezik i književnost, Hemija, Fizika
škola primijenjenih umjetnosti	Bosanski, hrvatski, srpski jezik i književnost, Likovna kultura, strani jezik
muzička škola	Bosanski, hrvatski, srpski jezik i književnost, Muzička kultura, strani jezik
ostale škole/struke (mašinska, metalska, elektro, građevinska, geodetska, drvna, saobraćajna, grafička	Bosanski, hrvatski, srpski jezik i književnost, Matematika, Fizika

**Član 9.**  
**(Broj bodova po osnovu rezultata tokom školovanja)**

Za kandidate koji konkurišu u srednje škole, broj bodova po osnovu rezultata postignutog na ispitima eksterne mature i uspjeha u osnovnoj školi utvrđuje se na slijedeći način:

- a) Opći uspjeh u VI, VII, VIII i IX razredu osnovne škole boduje se sa maksimalno 50 bodova, tako da se zbir prosječnih ocjena svedenih na dvije decimale u VI, VII, VIII i IX razredu osnovne škole pomnoži sa brojem 2,50.
- b) Uspjeh iz predmeta posebno značajnih za odgovarajuću školu boduje se sa maksimalno 20 bodova, tako da se saberu ocjena dobijene u VIII i IX razredu osnovne škole iz tri predmeta posebno značajna za odgovarajuću vrstu srednje škole - član 9. ove odluke, se pomnoži sa brojem 0,67.
- c) Rezultat postignut na ispitima eksterne mature boduje se sa maksimalno 30 bodova.

**Član 10.**  
**(Bodovi osvojeni na takmičenjima)**

(1) Za jedno od osvojenih mjesta na kantonalnom takmičenju učenika osnovnih škola dobije se slijedeći broj bodova:

- a) za osvojeno prvo mjesto 3 boda,
- b) za osvojeno drugo mjesto 2 boda i
- c) za osvojeno treće mjesto 1 bod.

(2) Za jedno od osvojenih mjesta na takmičenju učenika osnovnih škola na nivou entiteta u BiH i BiH dobije se slijedeći broj bodova:

- a) za osvojeno prvo mjesto 4 boda,
- b) za osvojeno drugo mjesto 3 boda i

c) za osvojeno treće mjesto 2 boda.

(3) Za jedno od osvojenih mjesta na međunarodnom takmičenju učenika osnovnih škola dobije se slijedeći broj bodova:

a) za osvojeno prvo mjesto 5 bodova,

b) za osvojeno drugo mjesto 4 boda i

c) za osvojeno treće mjesto 3 boda.

(4) Ukupan broj bodova koje učenik dobije po osnovu takmičenja iz ovog člana ne može preći 10 bodova, s tim da se boduju samo takmičenja koja su zvanično organizovana na nivou Kantona, Federacije BiH, Bosne i Hercegovine i to iz predmeta matematika, fizika, informatika, strani jezik, geografija, a za umjetničke škole i takmičenja iz okvira te struke, te u tehničkim školama, u kojima se pored navedenog boduju i rezultati u okviru takmičenja pod nazivom “Smotra tehničkog stvaralaštva” za koje je suorganizator Ministarstvo.

### **Član 11.**

#### **(Potreban broj bodova za upis u srednje škole)**

(1) Za svakog kandidata koji konkuriše za prijem u prvi razred srednje škole utvrđuje se ukupan broj bodova po osnovu rezultata navedenih u članovima 9. i 10. ove odluke.

(2) Za upis u gimnaziju učenik po svim osnovama mora imati minimalno 78 bodova.

(3) Za upis u gimnaziju – sportsko izbornu područje, učenik po svim osnovama mora imati minimalno 78 bodova i to na način da:

a) po svim osnovama navedenim u članovima 9. i 10. ove odluke mora imati minimalno 73 bodova,

b) te ostvariti dodatno minimalnih 5 bodova koji se odnosi na test fizičke sposobnosti

(4) Za upis u ekonomsku školu i škole zdravstvene struke učenik po svim osnovama mora imati minimalno 71 bod.

(5) Za upis u ostale škole za zanimanja u četverogodišnjem trajanju obrazovanja učenik po svim osnovama mora imati minimalno 63 boda.

(6) Za upis u trogodišnju školu se ne utvrđuje potreban minimalan broj bodova.

### **Član 12.**

#### **(Uslov za upis učenika iz inostranstva)**

(1) Ako je učenik završio osnovnu školu u inostranstvu i ako nema predmeta u VIII i IX razredu, odnosno u zadnja dva razreda osnovne škole, koji se boduju kao predmeti značajni za struku pri upisu u prvi razred, onda se umjesto ocjena iz tog predmeta uzima prosječna ocjena iz svih predmeta u zadnja dva razreda osnovne škole (aritmetička sredina).

(2) Ako je učenik završio osnovnu školu u inostranstvu ili ako dolazi iz registrovane osnovne škole sa područja Bosne i Hercegovine koja realizira nastavne planove i programe drugih država ili asocijacija država, onda se pri upisu u prvi razred umjesto bodova postignutih na ispitima eksterne mature, u on-line sistem u osnovnoj školi koju odredi Ministarstvo, upisuju bodovi koji se dobiju tako što se u obzir uzima zbir općeg uspjeha u posljednja četiri razreda osnovne škole, koji se pomnoži sa 1,50.

(3) Ukoliko učenik sa područja Kantona Sarajevo iz opravdanih razloga ne pristupi polaganju ispita, određuje se ekvivalent bodova za eksternu maturu koji osnovna škola upisuje u obrazac predviđen Pravilnikom o polaganju eksterne mature na osnovu zaključenih ocjena za taj predmet na sljedeći način:

a) za predmete:

1) Bosanski, hrvatski, srpski jezik i književnost;

2) prvi strani jezik;

3) Matematika.

zbir zaključenih ocjena u 6., 7., 8. i 9. razredu se dijeli sa brojem 2.

(4) Opravdanost razloga zbog kojih učenik nije pristupio polaganju ispita iz Eksterne mature na zahtjev roditelja cijeni školski odbor i odluku dostavlja Ministarstvu.

**Član 13.**  
**(Prednost pri upisu u prvi razred)**

Pod jednakim uslovima iz ovih kriterija, shodno čl. 1., 2., 5. i 23. Zakona o dopunskim pravima-branitelja BiH ("Sl. novine Kantona Sarajevo", broj 2/02), prednost imaju:

- a) djeca boraca-branitelja BiH;
- b) djeca ratnih vojnih invalida;
- c) djeca umrlih ratnih vojnih invalida;
- d) djeca organizatora otpora;
- e) djeca veterana-prvoboraca
- f) djeca nosilaca najviših ratnih priznanja.

R. br	ŠKOLA	ZANIMANJE		PLAN UPISA
		Obrazovanje traje 4 godine	Obrazovanje traje 3 godine	Učenika
1.	Četvrta gimnazija	Gimnazija		25
		<b>U K U P N O :</b>		<b>25</b>
2.	Peta gimnazija	Gimnazija – sportsko usmjerenje		8
		Gimnazija – smjer informacijsko-komunikacijskih tehnologija		13
		<b>U K U P N O :</b>		<b>21</b>
3.	Gimnazija Dobrinja	Scenske umjetnosti		15
		<b>UKUPNO</b>		<b>15</b>
4.	Gimnazija Obala	DSD		9
		<b>U K U P N O :</b>		<b>9</b>
5.	Srednja muzička škola	Muzičar općeg smjera		5
		Muzičar općeg smjera - baletski igrač/ica		1
		<b>U K U P N O :</b>		<b>6</b>
6.	Srednja škola primijenjenih umjetnosti	Likovni tehničar za obradu metala		5
		Likovni tehničar za primijenj. vajarstvo		2
		<b>U K U P N O :</b>		<b>7</b>
7.	Srednja ekonomska škola	Ekonomski tehničar		6
		<b>U K U P N O :</b>		<b>6</b>
8.	Srednja mašinska tehnička škola	Mašinski tehničar za kompjutersko upravljanje mašinama		19
		<b>U K U P N O :</b>		<b>19</b>
9.	Srednja škola za saobraćaj i komunikacije	Tehničar drumskog saobraćaja (Jedinstveno stručno zvanje sa izbornim područjima nakon drugog razreda: opšti, unutrašnji transport		14
			Autolimar	2
			Autolakirer	5
			Rukovalac građevinskih i pretovarnih mašina	4
		<b>U K U P N O :</b>		<b>25</b>

10.	Srednja škola metalnih zanimanja	<b>Mašinski tehničar (izborna područja : Zrakoplov i motor; opsluživanje zrakoplova i tereta, motori i motorna vozila, industrijska i naočalna optika; finomehanika; primijenjena informatika i računarstvo)</b>		14	
		<b>Tehničar mehatronike</b>		21	
			<b>Limar</b>		7
			<b>Operator na CNC alatnim mašinama za obradu skidanjem strugotina</b>		3
			<b>Zlatar-draguljar</b>		12
		<b>U K U P N O :</b>		<b>57</b>	
11.	Željeznički školski centar	<b>Elektrotehničar (izborna područje, razredu: signalnosigurnosna tehnika, energetika, elektronika)</b>		17	
		<b>Tehničar željezničkog saobraćaja/vuče</b>		24	
			<b>Elektroničar telekomunikacija</b>		4
			<b>Elektroenergetičar</b>		1
			<b>Mehaničar šinskih vozila</b>		11
			<b>Mehaničar hidraulike i pneumatike</b>		10
		<b>U K U P N O :</b>		<b>67</b>	
12.	Srednja građevinsko-geodetska škola	<b>Građevinski tehničar</b>		4	
			<b>Moler-farbar</b>	5	
		<b>U K U P N O :</b>		<b>9</b>	
13.	Srednja škola za okoliš i drvni dizajn	<b>Tehničar za obradu drveta–programer na CNC mašinama</b>		11	
		<b>Ekološki tehničar</b>		3	
		<b>Šumarski tehničar</b>		18	
			<b>Rasadničar</b>		8
			<b>Lugar</b>		8
			<b>Tapetar – dekorater</b>		5
		<b>U K U P N O :</b>		<b>53</b>	
14.	Srednja škola poljoprivrede, prehrane, veterine i uslužnih djelatnosti	<b>Poljoprivredni tehničar</b>		14	
		<b>Prehrambeni tehničar</b>		3	
			<b>Voćar–vinogradar–vinar</b>		9
			<b>Mljekar</b>		11
			<b>Cvjećar</b>		8
			<b>Pekar</b>		1
		<b>U K U P N O :</b>		<b>46</b>	
15.	Srednja škola za tekstil, kožu i dizajn	<b>Dizajner tekstila i odjeće</b>		14	
		<b>Tekstilni tehničar modelar-konstruktor</b>		24	
		<b>Tekstilni tehničar konfeksionar</b>		22	
			<b>Hemijski čistač</b>	11	
		<b>U K U P N O :</b>			<b>71</b>
16.	Srednja poslovno-komercijalna i trgovačka škola	<b>Komercijalni tehničar</b>		3	
		<b>Aranžer</b>		16	
		<b>U K U P N O :</b>		<b>19</b>	
17.	Srednjoškolski centar Vogošća	<b>Ekonomski tehničar</b>		5	
		<b>Mašinski tehničar za kompjutersko upravljanje mašinama (CNC tehničar)</b>		9	
			<b>Prodavač</b>		4
			<b>Autolimar</b>		6
				<b>U K U P N O :</b>	

18.	Srednjoškolski centar Hadžići	<b>Gimnazija</b>		24
		<b>Mašinski tehničar konstruktor na računaru</b>		8
		<b>Arhitektonski tehničar</b>		12
		<b>Turistički tehničar</b>		6
			<b>Bravar</b>	3
		<b>UKUPNO :</b>		
19.	Srednjoškolski centar „Nedžad Ibrišimović“ Ilijaš	<b>Gimnazija</b>		2
		<b>Gimnazija – smjer informacijsko-komunikacijskih tehnologija</b>		2
			<b>Kozmetičar</b>	3
		<b>UKUPNO :</b>		
20.	* Škola za srednje stručno obrazovanje i radno osposobljavanje		<b>Pomoćni: autolakirer, autolimar, moler-farbar, tapetar, knjigovezac, kuhar, cvječar, konfekcionar takstila - krojač, operater za unos podataka, obučar, keramičar, bravar.</b>	Prema broju prijavljenih učenika
21.	* Centar za slijepu i slabovidnu djecu i omladinu	<b>Fizioterapeutski tehničar Poslovni tajnik Telefonski operater</b>	<b>Fizioterapeutski tehničar Poslovni tajnik, telefonista</b>	Prema broju prijavljenih učenika
22.	* Centar za slušnu i govornu rehabilitaciju	<b>Tekstilni tehničar modelar-konstruktor Grafički tehničar Mašinski tehničar</b>	<b>Krojač, Autolimar, Limar, Metalostrugar, Bravar, Plinski i vodoinstalater, Tapetar, Fotograf, Knjigovezac, Frizer</b>	Prema broju prijavljenih učenika
<b>UKUPNO SVE SREDNJE ŠKOLE</b>				<b>539</b>

\* Upis u prvi razred u školskoj 2017./2018. godini u naknadnom drugom konkursnom roku u Školi za srednje stručno obrazovanje i radno osposobljavanje, Centru za slijepu i slabovidnu djecu i omladinu i Centru za slušnu i govornu rehabilitaciju neće se vršiti putem online sistema.

Učenici koji su zainteresirani za upis u navedene srednje škole, potrebno je da se o načinu upisa u ove škole informiraju direktno u navedenim školama.

Pregled broja nezaposlenih lica najbrojnjih zanimanja prema završenoj školi–struci u aprilu 2017. god.

ZANIMANJA	Broj nezaposlenih lica
Maturant gimnazije	3.395
Prodavač	3.567
Medicinska sestra	756
Ekonomska struka	2.239

ZANIMANJA	Broj nezaposlenih lica
Mašinski tehničar	1.822
Frizer i Frizer vlasuljar	999
Vozač motornih vozila	1.031
Automehaničar	949

**MINISTAR**

*Prof. dr. Elvir Kazazović, s.r.*



web: <http://www.mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

